

**UNIVERZITET ZA POSLOVNE STUDIJE**

Jovana Dučića 23a, 78 000 Banja Luka  
Republika Srpska, Bosna i Hercegovina

Tel: +387 51 248 300  
Fax: +387 51 248 307



**UNIVERSITY OF BUSINESS STUDIES**

23A Jovana Ducica, 78 000 Banja Luka  
Republic of Srpska, Bosnia and Herzegovina

Phone: +387 51 248 300  
Fax: +387 51 248 307

---

**Broj: 248/25**

**Datum: 20.02.2025. godine**

## **PRAVILNIK O USLOVIMA IZBORA U ZVANJA NASTAVNIKA I SARADNIKA**

**Banja Luka, 2025. godine**

Na osnovu člana 91. stav (9) Zakona o visokom obrazovanju („Službeni glasnik Republike Srpske“, broj 67/20 i 107/24 ) i člana 87. stav 1. tačka 3. Statuta Univerziteta za poslovne studije Banja Luka i Pravilnika o uslovima za izbor u naučno-nastavna, umjetničko-nastavna, nastavna i saradnička zvanja („Službeni glasnik Republike Srpske broj 2/22), Senat na sjednici održanoj 20.02.2025. godine, d o n o s i

**PRAVILNIK**  
**o uslovima izbora u zvanja nastavnika i saradnika na**  
**Univerzitetu za poslovne studije Banja Luka**

**I OPŠTE ODREDBE**

**Član 1.**

Ovim Pravilnikom se bliže uređuju uslovi i postupak izbora u naučno-nastavna, umjetničko-nastavna, nastavna i saradnička zvanja na Univerzitetu za poslovne studije Banja Luka (u daljem tekstu: Univerzitet), kao i prava koja iz tog zvanja proizilaze.

**Član 2.**

Univerzitet vrši izbor nastavnika i saradnika u skladu sa Zakonom o visokom obrazovanju (u daljem tekstu: Zakon), Statutom Univerziteta, odnosno Statutom organizacionih jedinica Univerziteta i ovim Pravilnikom.

**Član 3.**

Konkurs za izbor u akademska zvanja nastavnika i saradnika raspisuje Senat na osnovu godišnjeg Plana izbora, koji se donosi najkasnije osam mjeseci prije početka akademske godine.

**Član 4.**

Konkurs za izbor se raspisuje u sredstvima javnog informisanja ili na web stranici Univerziteta.

Konkurs za izbor se raspisuje za uže naučne oblasti.

Konkurs sadrži: opšte i posebne uslove koje kandidat treba da ispuni, užu naučnu i/ili umjetničku oblast za koju se bira; zvanje u koje se bira; rok za prijavljivanje; dokumente koje kandidat prilaže kao dokaz da ispunjava uslove i adresu na koju se dostavlja prijava sa dokumentima.

**Član 5.**

Vijeće organizacione jedinice predlaže imenovanje komisije za razmatranje konkursnog materijala i pisanje izvještaja za izbor nastavnika i saradnika na Univerzitetu.

Komisiju imenuje Senat na prijedlog Vijeća.

Komisija iz stava 1. se sastoji od najmanje tri nastavnika iz naučnog polja, odnosno umjetničkog polja, od kojih je najmanje jedan iz iste naučne oblasti za koju se kandidat bira.

Za izbor nastavnika i saradnika najmanje jedan član komisije nije u radnom odnosu na Univerzitetu.

Članovi komisije treba da budu u istom ili višem zvanju od kandidata koji se bira.

U odluci o imenovanju komisije imenuje se predsjednik i on je odgovoran za rad komisije i pripremanje izvještaja.

**Član 6.**

Komisija priprema izvještaj o prijavljanom kandidatu i predlaže za izbor kandidata u skladu sa uslovima iz konkursa.

Prilikom predlaganja kandidata komisija je dužna poštovati minimalne uslove za izbor u odgovarajuće zvanje u skladu sa Zakonom, Statutom i Pravilnikom.

#### **Član 7.**

Komisija je dužna dostaviti potpisan izvještaj na tipskom formularu Obrazac-1 na protokol Univerziteta.

Vijeće organizacione jedinice razmatra dostavljeni izvještaj komisije za izbor i prijedlog izbora dostavlja Vijeću odgovarajuće naučne oblasti.

Vijeće odgovarajuće naučne oblasti, kao savjetodavno tijelo Senata razmatra prijedlog izbora i daje Senatu Mišljenje o izboru kandidata.

Odluku o izboru donosi Senat na osnovu Mišljenja vijeća naučnih oblasti i prijedloga organizacione jedinice.

Kandidat može podnijeti zahtjev za preispitivanje odluke iz prethodnog stava Senatu u roku od 15 dana od dana prijema odluke Senata.

Senat donosi Odluku najkasnije šest mjeseci od dana objavljivanja konkursa.

U slučaju da procedura izbora potraje duže iz određenih objektivnih razloga, neće se prekidati radni odnos ili ugovor do okončanja izbora, a najduže u roku od godinu dana od dana raspisivanja konkursa.

#### **Član 8.**

Vijeća naučnih oblasti na Univerzitetu za poslovne studije su: Vijeće društvenih nauka, a čine ga nastavnici Fakulteta za poslovne i finansijske studije, Fakulteta za primjenjenu ekonomiju, Fakulteta za turizam i hotelijerstvo, Fakulteta pravnih nauka i Fakulteta za novinstvo i komunikologiju; Vijeće humanističkih nauka, a čine ga nastavnici Fakulteta za informacione tehnologije i dizajn (na studijskim programima Grafički dizajn i Dizajn); Vijeće prirodnih nauka, inženjerstva i tehnologija, a čine ga nastavnici Fakulteta za informacione tehnologije i dizajn (na studijskim programima Računarske i informacione tehnologije i Informacione tehnologije) i Fakulteta za ekologiju.

Senat donosi Odluku o imenovanju članova Vijeća naučnih oblasti.

## **II AKADEMSKA ZVANJA**

#### **Član 9.**

Naučno-nastavna i umjetničko nastavna zvanja na univerzitetu su:

- 1) Docent;
- 2) Vanredni profesor;
- 3) Redovni profesor.

Saradnička zvanja na univerzitetu su:

- 1) Asistent;
- 2) Umjetnički saradnik;
- 3) Viši asistent;
- 4) Viši umjetnički saradnik;
- 5) Lektor.

### III USLOVI ZA IZBOR AKADEMSKOG OSOBLJA

#### Član 10.

- (1) Izbor u zvanje nastavnika na visokoškolskoj ustanovi zasniva se na ostvarenim i mjerljivim rezultatima rada kandidata u nastavnom i naučnoistraživačkom, odnosno umjetničkom radu.
- (2) Pored rezultata iz stava 1. ovog člana, prilikom izbora u zvanje vrednuje se i sljedeće:
  - 1) stručno-profesionalni doprinos koji podrazumijeva da je kandidat autor/koautor elaborata ili studije, rukovodilac ili saradnik na naučnoistraživačkom ili stručnom projektu, inovator, autor/koautor patenta ili tehničkog unapređenja, odnosno autor/koautor umjetničkog projekta ili saradnik na umjetničkom projektu, i drugo,
  - 2) doprinos akademskoj i široj zajednici koji podraunijeva angažovanje u nacionalnim ili međunarodnim naučnim, odnosno stručnim organizacijama, institucijama od javnog značaja, kulturnim institucijama i slično,
  - 3) saradnja sa drugim visokoškolskim, naučnoistraživačkim, odnosno institucijama kulture ili umjetnosti u zemlji i inostranstvu koja podrazumijeva mobilnost, zajedničke studijske programe, internacionalizaciju, plenarno predavanje na međunarodnom naučnom skupu i drugo.
- (3) Prilikom izbora u zvanje uzimaju se u obzir samo rezultati ostvareni u posljednjih pet, odnosno šest godina u zavisnosti od trajanja posljednjeg izbornog perioda.

#### Član 11.

(1) Uslovi za izbor akademskog osoblja u naučno-nastavna i saradnička zvanja na univerzitetu su:

**1) za docenta može biti biran kandidat koji ispunjava sljedeće uslove:**

1. naučno zvanje doktora nauka u odgovarajućoj naučnoj oblasti,
2. najmanje tri naučna rada iz naučne oblasti za koju se bira, objavljena u naučnim časopisima, zbornicima i drugim naučnim publikacijama sa recenzijom, od kojih je najmanje jedan objavljen u naučnom časopisu međunarodnog značaja ili naučnom skupu međunarodnog značaja,
3. dokazane nastavničke sposobnosti, odnosno ima pristupno predavanje iz oblasti za koju se bira, pozitivno je ocijenjen od visokoškolske ustanove ili ima pozitivnu ocjenu pedagoškog rada u studentskim anketama tokom cjelokupnog prethodnog izbornog perioda;

**2) za vanrednog profesora može biti biran kandidat koji ispunjava sljedeće uslove:**

1. ima proveden najmanje jedan izborni period u zvanju docenta,
2. najmanje pet naučnih radova iz naučne oblasti za koju se bira, objavljenih u naučnim časopisima, zbornicima i drugim naučnim publikacijama sa recenzijom, od kojih je jedan naučni rad u naučnom časopisu međunarodnog značaja ili naučnom skupu međunarodnog značaja i najmanje jedan naučni rad objavljen u istaknutom naučnom časopisu međunarodnog značaja, nakon izbora u zvanje docenta,
3. ima najmanje jednu naučnu monografiju (sa ISBN brojem) iz naučne oblasti za koju se bira, ili univerzitetski udžbenik (sa ISBN brojem),
4. dokazane nastavničke sposobnosti, pozitivno je ocijenjen od visokoškolske ustanove ili ima pozitivnu ocjenu pedagoškog rada u studentskim anketama tokom cjelokupnog prethodnog izbornog perioda,
5. je bio član komisije za odbranu master ili magistarskog rada ili doktorske disertacije, ili ima uspješno realizovano mentorstvo kandidata na drugom ili trećem ciklusu studija,
6. dokaz da je ostvario najmanje jedan od tri elementa iz člana 80. stav 2. Zakona o visokom obrazovanju, a to su:
  - stručno-profesionalni doprinos koji podrazumijeva da je kandidat autor/koautor elaborata

- ili studije, rukovodilac ili saradnik na naučnoistraživačkom ili stručnom projektu, inovator, autor/koautor patenta ili tehničkog unapređenja, odnosno autor/koautor umjetničkog projekta ili saradnik na umjetničkom projektu i drugo,
- doprinos akademskoj i široj zajednici koji podrazumijeva angažovanje u nacionalnim ili međunarodnim naučnim, odnosno stručnim organizacijama, institucijama od javnog značaja, kulturnim institucijama i slično,
  - saradnja sa drugim visokoškolskim, naučnoistraživačkim, odnosno institucijama kulture ili umjetnosti u zemlji i inostranstvu koja podrazumijeva mobilnost, zajedničke studijske programe, internacionalizaciju, plenarno predavanje na međunarodnom naučnom skupu i drugo.

**3) za redovnog profesora može biti biran kandidat koji ispunjava sljedeće uslove:**

1. ima proveden najmanje jedan izborni period u zvanju vanrednog profesora,
2. najmanje osam naučnih radova iz naučne oblasti za koju se bira, objavljenih u naučnim časopisima, zbornicima i drugim naučnim publikacijama sa recenzijom, od kojih su dva naučna rada u naučnim časopisima međunarodnog značaja ili naučnom skupu međunarodnog značaja i najmanje jedan naučni rad objavljen u istaknutom naučnom časopisu međunarodnog značaja, nakon izbora u zvanje vanrednog profesora,
3. ima citiranost naučnih radova,
4. ima dvije publikacije iz naučne oblasti za koju se bira (sa ISBN brojem) koje se kategorišu kao naučna monografija ili univerzitetski udžbenik,
5. dokazane nastavničke sposobnosti, pozitivno je ocijenjen od visokoškolske ustanove ili ima pozitivnu ocjenu pedagoškog rada u studentskim anketama tokom cjelokupnog prethodnog izbornog perioda,
6. je bio član komisije za odbranu master, magistarskog ili doktorske disertacije, ili ima uspješno realizovano mentorstvo kandidata na drugom ili trećem ciklusu studija,
7. dokaz da je ostvario najmanje dva od tri elementa iz člana 80. stav 2. Zakona o visokom obrazovanju, a to su:
  - stručno-profesionalni doprinos koji podrazumijeva da je kandidat autor/koautor elaborata ili studije, rukovodilac ili saradnik na naučnoistraživačkom ili stručnom projektu, inovator, autor/koautor patenta ili tehničkog unapređenja, odnosno autor/koautor umjetničkog projekta ili saradnik na umjetničkom projektu i drugo,
  - doprinos akademskoj i široj zajednici koji podrazumijeva angažovanje u nacionalnim ili međunarodnim naučnim, odnosno stručnim organizacijama, institucijama od javnog značaja, kulturnim institucijama i slično,
  - saradnja sa drugim visokoškolskim, naučnoistraživačkim, odnosno institucijama kulture ili umjetnosti u zemlji i inostranstvu koja podrazumijeva mobilnost, zajedničke studijske programe, internacionalizaciju, plenarno predavanje na međunarodnom naučnom skupu i drugo.

**4) za asistenta može biti biran kandidat koji ima završen prvi ciklus studija u odgovarajućoj oblasti sa najmanje 240 ESTS bodova i najnižom prosječnom ocjenom 8,0 ili ekvivalent;**

**5) za višeg asistenta može biti biran kandidat koji:**

1. ima završen drugi ciklus studija u odgovarajućoj oblasti sa najnižom prosječnom ocjenom i na prvom i na drugom ciklusu studija 8,0 ili ekvivalent ili
2. ima naučni stepen magistra nauka u odgovarajućoj oblasti sa najnižom prosječnom ocjenom na osnovnom studiju i postdiplomskom studiju 8,0 ili ekvivalent;

**6) za lektora može biti biran kandidat koji ima objavljene stručne i naučne radove i ima:**

1. završen drugi ciklus studija sa najnižom prosječnom ocjenom i na prvom i na drugom ciklusu studija 8,0 ili ekvivalent ili
2. naučni stepen magistra nauka sa najnižom prosječnom ocjenom na osnovnom studiju i postdiplomskom studiju 8,0 ili ekvivalent.

(2) Pod naučnim radom u naučnim časopisima međunarodnog značaja podrazumijeva se i poglavlje objavljeno u naučnoj monografiji međunarodnog značaja.

**Član 12.**

Minimalni uslovi za izbor akademskog osoblja u umjetničko-nastavna zvanja u nastavnom i umjetničkom radu u oblasti umjetnosti na univerzitetu su:

**1) za docenta može biti biran kandidat koji:**

1. ima završen najmanje drugi ciklus studija u odgovarajućoj oblasti,
2. ima tri reprezentativne reference u umjetničkom polju u kojem se bira i
3. pokazane rezultate u nastavnom radu, odnosno pristupno predavanje iz oblasti za koju se bira, pozitivno je ocijenjen od visokoškolske ustanove ili ima pozitivnu ocjenu pedagoškog rada u studentskim anketama tokom cjelokupnog prethodnog izbornog perioda;

**2) za vanrednog profesora može biti biran kandidat koji:**

1. ima proveden najmanje jedan izborni period u zvanju docenta,
2. ima pet reprezentativnih referenci u umjetničkom polju u kojem se bira, iz najmanje dvije različite kategorije,
3. mentorstvo na dva završna rada na svim nivoima studija, odnosno jedna reprezentativna referenca u umjetničkoj oblasti za koju se bira ukoliko studijskim programom nije omogućeno da nastavnik bude biran za rukovodioca završnog rada,
4. pokazane rezultate u nastavnom radu, odnosno ima pozitivnu ocjenu pedagoškog rada u studentskim anketama tokom cjelokupnog prethodnog izbornog perioda,
5. ima ostvarenu međunarodnu saradnju sa drugim univerzitetima i relevantnim institucijama u oblasti visokog obrazovanja, kulture i umjetnosti;

**3) za redovnog profesora može biti biran kandidat koji:**

1. ima proveden najmanje jedan izborni period u zvanju vanrednog profesora,
2. ima osam reprezentativnih referenci u umjetničkom polju u kojem se bira, iz najmanje tri različite kategorije,
3. mentorstvo na četiri završna rada na svim nivoima studija, odnosno dvije reprezentativne reference u umjetničkoj oblasti za koju se bira ukoliko studijskim programom nije omogućeno da nastavnik bude biran za rukovodioca završnog rada,
4. pokazane rezultate u nastavnom radu, odnosno ima pozitivnu ocjenu pedagoškog rada u studentskim anketama tokom cjelokupnog prethodnog izbornog perioda,
5. ima ostvarenu međunarodnu saradnju sa drugim univerzitetima i relevantnim institucijama u oblasti visokog obrazovanja, kulture i umjetnosti.

**Član 13.**

Za nastavnika stranog jezika i vještina može biti biran kandidat koji ima:

- 1) završen drugi ciklus studija u odgovarajućoj oblasti sa najnižom prosječnom ocjenom i na prvom i na drugom ciklusu studija 8,0 ili ekvivalent ili naučni stepen magistra nauka u odgovarajućoj oblasti sa najnižom prosječnom ocjenom i na osnovnom i na postdiplomskom studiju 8,0 ili ekvivalent i
- 2) objavljena najmanje dva stručna ili naučna rada.

## IV PERIOD NA KOJI SE BIRA AKADEMSKO OSOBLJE NA UNIVERZITETU

### Član 14.

Period na koji se bira akademsko osoblje u naučno-nastavno, umjetničko-nastavno zvanje je:

- 1) docent - na period od pet godina, sa mogućnošću jednog ponovnog izbora,
- 2) vanredni profesor - na period od šest godina, sa mogućnošću jednog ponovnog izbora,
- 3) redovni profesor - na neodređeno vrijeme.

Period na koji se bira akademsko osoblje u saradničko zvanje je:

- 1) umjetnički saradnik - na period od četiri godine, sa mogućnošću jednog ponovnog izbora,
- 2) asistent - na period od četiri godine bez mogućnosti ponovnog izbora,
- 3) viši umjetnički saradnik - na neodređeno vrijeme,
- 4) viši asistent - na period od pet godina, sa mogućnošću jednog ponovnog izbora,
- 5) lektor - na period od pet godina, sa mogućnošću jednog ponovnog izbora.

Period na koji se bira nastavnik stranih jezika:

- 1) nastavnik stranih jezika i vještina – na neodređeno vrijeme.

### Član 15.

Nastavnici i saradnici imaju pravo na mirovanje rokova za izbor u akademska zvanja i na radna mjesta (mirovanje prava i obaveza iz radnog odnosa) u vrijeme obavljanja dužnosti rektora, prorektora ili drugu dužnost na Univerzitetu ili dok obavljaju neku javnu funkciju.

Nastavniku i saradniku koji se nalazi na porodiljskom odsustvu ili bolovanju duže od godinu, izborni period se produžava za to vrijeme.

Nastavniku poslije pet godina rada na Univerzitetu može biti odobreno plaćeno odsustvo u trajanju od jedne školske godine radi stručnog i naučnog usavršavanja.

Nastavnici i saradnici su odgovorni za povredu radnih obaveza, kao i zbog narušavanja ugleda Univerziteta.

### Član 16.

Univerzitet može angažovati nastavnike i lektore koji imaju odgovarajući izbor sa drugog Univerziteta iz Republike Srpske, BiH ili inostranstva za izvođenje nastave, a u skladu sa Statutom.

Prava i obaveze nastavnika uređuju se u skladu sa Zakonom o radu i zakonom o visokom obrazovanju.

Univerzitet može nastavnike i lektore sa drugog Univerziteta, prije početka semestra/trimestra odrediti kao odgovorne nastavnike i lektore u skladu sa Zakonom.

Odluku o preuzimanju izbora donosi Senat.

## V PRELAZNE I ZAVRŠNE ODREDBE

### Član 17.

Stupanjem na snagu ovog Pravilnika prestaje da važi Pravilnik broj 1091/23 od 08.06.2023. godine.

### Član 18.

Ovaj Pravilnik stupa na snagu danom donošenja i biće objavljen na web stranici Univerziteta.

Broj: 248/25

Datum: 20.02.2025. godine

Univerzitet za poslovne studije  
Predsjednik Senata



Prof. dr Biljana Rađenović Kozić